



眼兒媚

子若孟稱舜著

陸制幹巧合錦花鈿

正名

陳教授泣賦眼兒媚

第一折

揚兒上

曾將脂粉畫蛾眉、可憐老大幾堪悲、白頭

忽憶少年事、

猶有巫雲夢未歸、老身姓江、幼時曾

做上廳行首、

親生一個女兒、十分大有顏色、更兼

吹彈歌舞、

翰墨詩詞、件件精通、但是郎君見他、無

繡藉旖旎、綽有餘致、而淒清悲、怨處尤足、逗人幽、正如花下、美人半啼、半笑、令見

有不愛的。如今與學中陳教授彼此眷戀纏得有  
些火熱。只是太守老爹拊束的甚緊。老身生恐太  
守知道。拖累不便。幾次要拒絕了。奈女兒纏住不  
放。只得依他。今夜月色正明。那陳教授敢又來也。  
只得分付下的等候。咱下生扮陳誥上。黃卷青燈  
一蠹魚。十年讀遍五車書。如今權學看花客。不作  
黌門老腐儒。小官姓陳名誥。本貫巴陵人也。幼年  
與陸雲西同窓。結爲兄弟。他如今現做荆湖制司  
幹官。小官叨登甲榜。僉除岳陽府學教授。此間有

歌妓江柳。生得風流旖旎。巧慧聰明。小官有意娶  
他。奈於官箴有礙。未敢擅便。只得夤夜踰牆與他  
往來。如此已經二載。今晚乘着月色去走一遭者。  
下。且扮江柳上。妾身姓江名柳。在此間做一上廳  
行首。與學中教授陳誥往來。已經二載。他人才聰  
俊。性格溫存。深愜吾願。約定今夜早來。會我。這些  
時。敢就到也。暗想我做妓女的。整日迎新送舊。幾  
時得個了休。日常當官歌舞。夜半方回。暢好不得  
自在也呵。

雙調新水令子規聲叫徹夜三更。則這玉樓人酒  
闌香賸。尚兀自燈前歌宛轉。月下舞娉婷。似這般  
薄福殘生。捱不出潑賤前程。雖則是內性聰明所  
事多能。干向花柳內顯名姓。

沉醉東風做子弟的多。則是青樓薄倖做孫兒的  
多。則是紅粉無情。咱可也收不迭買風流烟月牌  
填不滿。葬年少胭脂窠。更記甚磳磳海誓山盟。  
妙舞清歌絕世能。嘆科到頭來都化做殘英斷梗。  
內打更鼓科更漏已沉。他怎生還未到也。

喬牌兒天街月正明。漏斷聲初靜。一簾水浸玻璃  
映。盼不見玉人花下影。  
生上自家乘着月色背地  
到此他門兒半掩。只索徑自進去。見科大姐我來  
也。

甜水令旦見了這繡幙輕搖。人來月下。風移花影。  
忙教我含笑起相迎。咱兩個魚水相同。你把咱厮  
親厮愛。咱把你厮欽厮敬。好一似鵲橋邊偷會雙  
星。生我今日巴不得到晚也。旦咱可也盼得你久  
了。

水仙子一天露白晚風清十二樓頭淡月明愛你  
個學士官人沒半點兒俗塵性入門闌春自生咱  
和你細語叮嚀比及那楚宋玉多情與漢相如添  
志誠俺兩人呵說不盡今夜恩情生夜深好睡也  
殿前歡旦蚤則是夜深沉滅殘燈映紗窓嫌殺月  
兒明挂垂簷驀見參兒正生何處簫聲吹的慘人  
也旦悄悄冥冥聽何處的吹簫別院聲翻入陽關  
令惹起離愁與咱和你枕邊軟語一晌消停生大  
姐呵我若另得陞除娶你回去便是夫人縣君也

且妾風塵賤妓怎敢望此只願相公休負心者  
山石榴雖則良家許咱媚家做只怕咱媚人沒那  
夫人命今日俏蘇卿干受了雙生定準備着金花  
誥頭上頂玉鏡臺手內擎結果了這夜夜的短恩  
情向綠牕前並宿鴛鴦頸可不道大翻身跳出迷  
魂境生月輪西墜晚鍾初動俺兩人又索相別也  
得勝令旦猛聽得花外曉鍾鳴又則見樹上野煙  
橫俺這翠袖無心舉您那離絃不耐聽明夜是必  
蚤些再來者再四的叮嚀願夜夜人休另打辦着

志誠則朝朝向簾下等。生我得便就來相會，只怕你別有得意人兒也。且噤聲。

鴛鴦煞。你道女娘家慣使的楊花，性只怕你官人們多犯着桃花命。生我怎敢別處行踏，只怕太守

知道，阻隔我佳期也。且怕甚麼大守臺前不徇人

情。趁着這淡月疎星，銀河耿耿，蚤些兒催卸書齋。

依翠柳，將身映，獨自微行。把今夜的恩情來再整。

同下

### 第二折

外扮孟之經上。三年出守岳陽城，一片冰心徹底

清。到處春風隨五馬，留將德澤播蒼生。某姓孟名

之經，自昔年叨中甲第以來，累蒙聖恩擢至岳陽

知府。此間有教授陳詵，少年登第，頗有才名，只是

賦性輕狂，酷愛花酒，聞的他每夜私離學宮，與歌

妓江柳爲伴。某微言誠諭，他全然不采。前日公讌，

喚江柳不到，某今待拿他來杖責了，押隸遠州，以

絕其後。張千拿將江柳來，晚堂回話。張千理會的。

同下。旦上。我自與陳教授爲伴，閉門謝客，蚤晚被

母親聒噪的。不耐煩。想咱這們衣飯怎生得了。休也呵。

仙呂點絳脣。妓女家規。終身之計。無他事。單則是獻笑追陪。賣俏將門倚。

混江龍。大古來婚姻匹配。老天公註定。強難移。空結了些烟花姊妹。露水夫妻。當日的蝶粉乍銷成。對蚤有時呵。蜂黃退盡。悔時遲。眼前人遂不得。咱從良意。誰當可喜。若個相知。每日價有一班子弟。到咱家行踏。他道咱呵。

油葫蘆。為甚麼冷落秋風。掩畫幃。衷腸只自知。想着星移斗轉。夜深時。他呵為貪花擔受着風流罪。

這幾時被母親扳障的苦也。咱呵為憐香難避。這腌臢氣。心似痴。情似迷。把麗春園權當做藍田驛。

則待夜夜暗偷期。張千上奉太爺命到此勾拿江

柳。江柳在家麼府堂勾喚哩。柳見科哥哥。哥哥。府堂為

甚勾我。

天下樂。落葉似官身。晝夜催。今日因甚的。叫喳喳。把江柳名兒不住的提。莫不是曲江池宴甚客。張

不是。旦莫不是翫江樓排甚席。張不是。旦若不呵  
你奉着那件官差來到此。張太爺惱你哩。旦太爺  
爲甚麼惱我。張我不知道你自去回話。旦這事  
怎生是了。我和母親說了去來。同下。孟之經上。蓼  
蘼衙鼓響。官吏兩邊排闥。王生死殿東嶽嚇魂臺。  
某今日晚衙視事。着張千去拿江柳。想就來也。張  
千同江柳上見科。稟爺江柳拿到。孟怒科江柳你  
知罪麼。旦小的不知甚麼罪。孟你兀自口強。我且  
拷廳責你三十。慢慢問你罪名兒。旦這却怎生是  
了也。

醉扶歸見了他惡眼。恨恨伏善兒權勢。使不的咱做  
婦。婦賣弄着潑嬌痴。似這般凜凜秋霜鐵面威。老  
龍圖慣斷甚閒公事。料着咱妓女們止不過盡世  
裏求錢乞食。是不曾犯下了那一件違條例。孟你  
說不曾犯罪。你前日和誰飲酒。悞了官身。却怎麼  
說。旦小的不曾和誰飲酒來。

遊四門昨日個露下天高。更漏催明月照。牕西秦  
樓夜作金釵會。門掩翠屏低。迷這風月事。蚤收拾。

孟你兀自抵賴。且問你那陳教授可到你家麼。且並不曾到家來。孟這賤人頑皮賴骨，不打不招。左右着實打者。張千打科。旦大人息怒，容小的慢慢說來。咱和陳教授兩個呵。

勝葫蘆咱不合，玳瑁筵前捧玉杯，索賦了首斷腸辭。他也不合走向章臺折柳枝，做官的不識罪責。做妓女的不知回避。兩下裏供狀總難推。孟那陳教授到你家來，有甚勾當。

么。且也不過聞向香街覓舞衣，飲的個月照海棠。低須不曾卧柳眠花中酒迷，告大人詳察審知就裏。這往事再休題。孟都是你賤人引誘他來。

金錢兒。旦直恁葫蘆題將咱罪名指。孟不是你。誰。旦咱則不合呵，生來落籍在風塵內，再不合呵。清歌妙舞錦雲圍。孟你門戶中隔了許多子弟也。

旦你道咱逗引得晃郎君，生忿逆村子弟不誠實。量咱呵，雖是個浪包婁，求食妓怎當做鬼魔媚賺人賊。孟别的猶可，那陳教授是做官的，你污他清名，壞他官箴，其罪非輕。旦古來做官的多有流連。

花酒不止他一個孟你說有那個

寄生草旦秀才們長向花前醉文苑客多從月下  
迷有一個李謫仙題詩走馬華陰市有一個杜子  
美遊春醉倒黃花地有一個白樂天狂歌淚濕青  
衫袂那幾個呵雖是朝來金鎖點朝班也則暮回  
柳巷尋歌妓孟怒云這賤人不思已過顛倒在我  
眼前攀今弔古指東扯西左右將他鬢邊刺了陳  
說二字押隸到辰州居住不許在此遲留刻刺  
科

么旦則恨咱身微賤直恁的命運低好苦也那麻  
說呵咱雖是心兒長把他人兒記怎教這鬢兒倒  
把他名兒刺從今後夢兒空把他情兒繫想當初  
幽囚風月二十年到今日逝流花草三千里孟快  
押他出了岳陽城者

後庭花旦從今後再不索向花前列舞衣再不索  
侍華筵奉酒杯再不索對月下聞歌詠再不索傍  
粧臺學畫眉哭啼啼直趕到湘江那壁則這一片  
俏魂兒化作曉雲何處飛張押旦下孟張千押江

柳去了。今後絕了陳詵的念頭，却也不好也。下

### 第三折

楊兒上：這一場禍事，怎了？怎了？我女兒被太守扁責，立時趕發辰州居住。辰州隔此八百里，道路又遠，資糧又少，怎生去得？我想此事都是陳教授拖累的，只得到學裡埋怨他，要他齋發前去者。下生上：俺陳詵不合與江柳往來，被孟之經那厮將江柳拿去杖責，鬚邊刺我名字，立時押隸辰州兀的不惱殺我也。如今楊兒來埋怨我，要我齋發盤費。

這事原是我拖累他的，我則索罄囊中所有，到郊外餞送他去也。下張千押江柳上：自家張千奉太爺命，押江柳到辰州。江柳，你是快行動些兒。柳誰想有這一場禍事也呵。

越調鬪鶴鴉，淚滿湘江。愁連楚峽，都則爲奉酒陪茶。生做了這違條犯法。張太爺言語不許久，停久在。今天色將晚，快走動者。旦古道人稀，疎林日下。監押的哥哥忙送殺。當日美恩情，兩載三年。今日泣別離，片時半霎。張你怎怨我來？旦我怎怨哥哥。

也

紫花兒序。咱則恨嬌滴滴桃花命薄。颺悠悠柳葉  
身輕。虛飄飄蝶夢人遐。張此去辰州八百里。不是

容易到得。你是必鬧鬧咱。旦我怎受的這跋涉也。

咱雖是風塵潑賤也。受用足內苑驕華。今日遠走  
天涯。夜宿烟村第幾家。撲簌簌淒惶淚下。怎禁那  
落日長亭。千里平沙。生上見科。大姐怎狼狽至此。  
都是我拖累了也。旦妾身遭癩責。妾之命也。與君  
何干。但自此去後。相見無期。好苦人也。打悲科。生

我今悔恨無及。薄具資糧來送你。出砌木科。這錢  
六百緡。送大姐盤費。這錢四百緡。付公差留下。路  
上好生看覷大姐者。張相公不消呈念。一路看覷  
都是小人。

三臺印。旦提起來痛酸煞。則教我淚做干行下。生  
做了這一場風流話。靶自昨日個鬧哈哈。壞了官  
衙。干惹得那旁人笑話。生這都是我斷送了你也。  
旦他道我身遭折罰。都是他送了咱。那太守道。壞  
你官箴。累你清名。皆小賤人之罪。則這名兒點污。

還是暗悞了他。我和你兩地遭磨，只落得一般牽  
星。生：天色兒又將晚也。取前別去。你前途隻影好  
自傷心哩。

小桃紅。日且覷着那滿堤荒草，接天涯黯淡斜陽下。  
暮柳離亭，自瀟灑。猛嗟呀。淒涼燕子訴不出當年  
話。生：大姐此去還望念我否。旦：俺向潯陽水一菰  
蒲葉下。和淚撥琵琶。生：我有詞一首，名曰眼兒嬌。  
贈大姐爲別。待我表白一遍。咱鬢邊一點似飛鴉。  
休把翠鈿遮。三年兩載，千攔百就。今日天涯。楊

花又逐東風去。隨分入人家。要不思量，除非酒醒。  
休對菱花。旦：好傷心之詞。收科。妾當置之懷袖。見  
詞如見君也。

含笑花。覷咱這一點似飛鴉。須不是額角香鈿掩。  
翠瑕。則把你名兒牢刺在咱眉尖下。越教人寸腸  
牽。望浙零零的杜鵑紅淚灑。猛教我有何顏再對。  
菱花。生：俺與大姐二年之交，豈料斷絕。只在今日  
也。

秃厮兒。旦：沒計兒將咱救拔。則待化啼鵲飛出三

數枝皆從  
前詞以出  
情文委備  
如波萬千

巴將別限俄延。只半霎今日裏。向天涯誰家。生大  
姐此去自有佳配也。

聖藥王旦呀呀呀。您道是煙樹峽。雲水涯。趁東風  
無地不楊花。則俺這心似搗淚似麻。向湘川寂寞  
度年華。怎肯隨分入人家。

麻郎兒再休題香浮翠竿。再休題板撒紅牙。是那  
日風流罪發我甘蕪送牡丹花下。生太守好狠也。  
么旦他把咱家責罰。則待折花枝斷絕根芽。不爭  
你做官人怕犯着周公禮法。干教我妓女們受了

恁般撻搭生。此去千里後會難期。大姐休念前番  
悞了您終身也。旦妾身怎敢他想。只怕相公心變  
也。

小桃紅我待向春風長唱杜陵花。比着那蘇小卿  
並沒半些兒高下。則怕伊呵錦帳銀屏正歌罷。貪  
戀着那奢華。忘却這臨岐執手叮嚀話。奴年三八  
重回改嫁。爭些兒明月落誰家。生大姐若肯守志  
我怎肯負却前盟也。旦妾風塵之身。今又遭斷決  
遠配千里之外。欲君復守前盟。恐終是痴想也。

東原樂恁色膽如天大。咱離情似海邊。你怕不別折垂條章臺下。空教我夢隔巫山漢水涯。歎科我則索低照着菱花罷。指定你名兒空罵生。大姐怎出此言。陳詵若負前盟。天必極之。願大姐暫時忍耐。我異日定雪此恨也。張諒相公不是負心的。天色已晚。只索辭別了罷。生我還有一言。大姐身甚狼狽。怎禁道路上辛苦。望公差方便。停留幾日。趨行未晚也。張相公分付。只得從命。我回太爺話去。說大姐有病。暫假數日者。生如此多感。只今日與

大姐告別也。且悲科千里之別。只在目下。好苦也。呵。

絡絲娘愁殺人也。孤雲落霞苦殺人也。山高水凹似這漢明妃。遠把胡兒嫁。青塚畔怨魂立化。

尾聲淚珠兒直流向瀟湘下。一天愁怎生按納。不爭我惱春風一曲杜韋娘。可不哭殺了你聽琵琶。江州白司馬同下。

#### 第四折

末扮陸雲西上。使命承宣下九重。歷遍巴山漢水。

中皇家鐵網開三百不遣南陽有卧龍某陸雲西  
是也今係大宋朝開慶元年元兵侵犯湖湘賈平  
章親自出鎮以某爲制司幹官遍走楚蜀尋覓賢  
士入克幕僚某有兄弟陳誥在岳陽爲教授某欲  
薦他入幕今巡到岳陽地面他知某到此定來見  
我左右覷者有陳教授來報復我知道左右理會  
的生上我送了大姐回來聽得兄弟陸雲西馳驛  
到此采訪賢士他在賈平章門下權勢赫奕我不  
免去見他訴以前情求他代雪此恨這裏是公館

了祇候報復去道有教授陳誥求見報科陸道有  
請左右出傳入見科陸兄弟在此做教官本府待  
得好麼生小弟正被人欺侮特求哥哥做主陸你  
說來我聽我替你做主生此間有歌妓江柳小弟  
與他往來有日昨被太守孟之經拿去杖責了鬚  
邊刺您兄弟名字押隸辰州哥哥怎生替小弟做  
主咱陸你做官的與妓女往來可也不該麼生事  
已至此只求哥哥做主陸我奉平章大人之命採  
訪賢士現有制劄在此我將你填入劄內待太守

來見我別有主意。生：多謝哥哥兄弟先告別也。下。  
孟之經同生衆上。我們係岳陽府合屬官員來接  
制幹大人。左右報復去。道岳陽府合屬官員見。左  
右報復衆入。參科。陸：我奉命到此。你衆官迎接。怎  
恁來遲。孟：馬報來遲。小官等多有得罪了。送飯科。  
大人下馬。小官等具小飯伺候。陸：如今權且免罪。  
各官暫退。只留太守在此同坐。孟喚張千云：制幹  
大人不比往常上司。你等可小心伏侍。一面喚教  
坊司祇候者。張：理會的。呼教坊上。卽頭科。陸：我聞  
岳陽樂籍中有江柳者。善謳。誰是也。衆：江柳不到。  
陸怒科：怎麼不到。快去叫來。孟背問張千科：你前  
說江柳在城外。可疾忙去喚來。張：理會的。下同。且  
上。妾身江柳前被押出城外。今又差人來呼喚。知  
是怎生也呵。

中呂粉蝶兒。恰離了柳市花街。蚤來到愁慘慘斷  
魂橋外。忽聽的一聲兒。台命宣差。莫不是我身邊  
別犯下甚麼風流。謫責猛教我退後趨前。告哥哥  
休怪。

醉春風當日楚館中。拆散了玉樓人。今日秦樓上。  
又讌甚金釵客。我待要拍開檀板碎琵琶。還則怕  
官人行責也。那責張上司席上等。你不得少遲。旦  
我只得急急追隨。這都是官官相畏。更說甚賢賢  
易色。張你奚邊花文。怎麼處。旦我把翠鈿掩了者。  
醉高歌重勻杏臉桃腮。再整花裙繡帶。推粘鈿影  
遮粧額。賣弄花枝稔色。張來到了。你做意過去者。  
見科。陸是好一個風流角妓也。你在籍幾年了。  
普天樂。旦則咱潑烟花。還不徹風塵債。自小兒朝

遊柳陌。暮宿花街。陸我聞你歌過行雲。却又秀色  
如許。真可愛也。旦說甚麼歌聲遶畫梁。秀色侵眉  
黛。咱則是燕燕鶯鶯。逐朝賽。怎熬煎。這一般潑賤  
生涯。一日的門迎惡客。一日的身親俗子。一日的  
戶接喬才。陸他既不願爲娼。太守肯將他與我麼。  
孟大人台命。怎敢不從。陸江柳你肯跟我麼。  
迎仙客。旦咱則是濁凡胎。怎親傍你個斗牛星畔。  
客。這玳筵前成眷愛。不爭你悞入天台。俺則怕鬧  
嚷嚷。又惹起尊官怪。陸笑科。太守已與我。你倒不

肯這也隨你。我問你前日有人傳說太守爲陳教授之事，將你責罰一番果否？  
[旦]此皆妾身之罪。  
[陸]笑對孟云：君尚不能容陳教授，豈肯與我？  
[孟]大人不問不知，待小官訴說。咱那陳說呵，本是個黷官教授，則待耍表帥那儒門俊秀，不隄他衡一味貪花，帶酒長則夤夜裡去胡行亂走，與妓女每夜價停眠整宿，全不管惹動了旁人笑口。因此上加杖責，遞流江柳也，則爲楡官常做成機殼。  
[陸]如此太守決斷的也不差。江柳我問你與陳教授初時怎生相會，如今幾時也。

[紅]繡鞋。[旦]我家住在花溪左側，他門對着柳陌前街。陳學士呵，醉醺醺夜深閒步，月明來咱低將雲鬢整。他悄把玉肩挨兩個美甘甘，剛二載。  
[陸]後來怎麼。

[喜]春來。[旦]昨日個一春花事，西風解把並蒂金蓮生拆開。那畫眉郎呵，他月明無路赴章臺。愁怎奈渭城邊朝雨浥輕埃。  
[陸]你兩人分別有甚麼話來。  
[快]活三。[旦]他道是再不索待梨花月上來，把繡帳

夜筵排新詞一闋訴愁懷顛倒有天來陸詞在

何處旦出詞科詞在此陸讀詞科好詞好詞太守

你覷波似此才子不在司馬相如之下便狎一妓

女却也何妨君以常人目之可爲不知人矣今平

章大人檄他人幕現有劄子在此此事將奈何出

劄看科孟望大人做主陸耳暗科只可如此如此

孟隨大人主見陸快請陳教授來張千理會的下

同生上參拜科陸教授不消行禮平章大人請你

人幕我和你是同官也孟大人高除貴職小官只

合參拜生小官在此二載罪愆如山望大人台宥

孟只是小官多有得罪望勿介懷左右再整酒奉

二位大人坐科陸江柳你認得他麼

石榴花旦則見月明千里故人來教人暗地自疑

猜莫不是風吹春夢入陽臺一個輕狂的秀才一

個潑賤的裙釵咱兩個呵樽前相見情無奈生我

須不曾拖累你你把前事細說一遍與陸大人聽

者旦把前事兒訴說明白大都來風流却被風流

害不禁的兩淚自盈腮孟前事休題今日就是我

和陸大人爲媒替你除去樂籍與陳大人做了夫  
人可好麼。旦慚愧也。怎想有今日呵。

別銀燈他憐我朱顏粉腮我憐他黃壘酸菜惹的  
個一場禍事如天大誰承望再世和諧這成合那  
拆開都是您漢蕭何暗裡裁劃換衣拜科  
蔓青菜他腰稱烏犀帶我頭插紫鸞釵纔顯得風  
流的氣概一對芙蓉錦堂開償盡了無邊的黑海  
相思債。

鮑老兒自當日分開玉鏡臺我則道終身兒流落  
在荒郊外喜今日除名煙月牌拚出風塵界兩載  
三年千攔百就驀地重諧將鸞簫象管鳳笙錦瑟  
蚤換了玉誥金釵揚兒上聽的陳教授高陞與我  
女兒成其姻眷我去看女兒來。旦見科。母親蚤則  
喜也。孟今日江夫人有重完之慶陳大人有榮授  
之喜小官當殺羊造酒再作慶賀的筵席。  
尾聲。旦一個穩稱了巫山雲雨情一個證果了玉  
殿賦詩才兩般兒才貌今無賽似這等粉頭措大  
可不道美名兒播滿楚章臺。

花酒場中失脚多 當年休笑鄭元和  
請歌一曲眼兒媚 不是聰明不着魔

孤鴻影

芥庵周如璧著

熱憐才温小姐沙洲甘死  
閣鍾情蘇學士鴻影留詞  
正目 鬼同心王朝雲幽魂入夢  
古女俠林行婆雅信傳詩

第一折

生扮蘇東坡上 髣髴曾遊似夢中。欣然鷄犬出新  
豐。嶺南萬戶皆春色。會有幽人客寓公。下官蘇軾

山谷謂東坡卜筮子詞非烟火食人語此

作描寫若  
近若遠愈  
淡愈雋亦  
復如之當  
在鄭德輝  
官大用之  
間

字子瞻，別號東坡，西蜀眉州人也。遠性風疎，逸情  
雲上，博觀載籍之傳，海涵地負，直追正始之作。玉  
振金聲，荷仁宗皇帝國士之知，宣仁后不次之擢，  
曾以黃州團練使召對便殿，爭柰黨人側目，不容  
朝廷之上，真是三仕三已，無喜無愠。近奉告命，落  
兩職，追一官，以承議郎知英州軍事，續奉告命，責  
授寧遠軍節度副使，惠州安置。兩寓合江樓，再移  
嘉祐寺，目覩近事，料北歸無日，因此選白鶴觀隙  
地，斫木陶瓦，作屋二十間，遷居于此。小窓疎籬，頗

有幽趣，只是一件南遷以來，侍人星散，獨有朝雲  
相隨，過嶺又于去秋長逝，客居蕭索，正類楚囚所  
幸，東隣翟秀才善于劇談諧謔，西家林行婆妙能  
釀酒栽花，猶未十分寂寞。今日野步歸來，已是黃  
昏時候，且篝燈閒坐，一回咳俺東坡呵。

仙呂賞花時。視草曾分玉殿春。謫居兀自感君恩。  
作賦擬招魂。江籬薜芷，空自佩芳馨。俺想人生富  
貴雲烟，功名蕉鹿，乃至流離顛沛，聚散悲歡，尤如  
蒼狗白衣，頃刻變幻，有何足道。似俺謫居于此，只

譬如原是惠州秀才果舉不第有何不可

么笑俺玉堂金馬總微塵。妓客賓朋亦浪因。四海若比隣。詩瓢社瓮。潦倒未全貧。不免且在燈下將架上書卷翻玩一回。閱書科。且扮溫小姐上。妾身姓溫。字超超。俺爹爹官爲都監雅負才名。因此妾身也一般筆墨憨痴。才情自許。年方十六。心未許人。爹爹却也隨俺意見。頗得從容自在。向聞大蘇學士。天上謫仙。舉世無兩。近日移居到此。喜得俺家這類垣荒圃。咫尺可通。每夜聞他諷咏之聲。果

然是才子風流。大家標韻。此乃真吾婿也。今夕朔白風清。更闌人靜。不免再過牆西。飽聽一會。行村仙呂點絳脣。天付妍華。香奩有志窺騷雅。傾國名花肯逐東風嫁。

混江龍。輕移羅襪。待向蘭臺芸閣。吸露餐霞。還怕香飄裙袂。影動牕紗。竟何曾學偷香。青瑣識韓郎。又不爲聽鳴琴。夤夜奔司馬。只這冰雪姿。嘗則自憐多。敢道謝班才。定合知音寡。呀。早來到神仙窟。宅遷客問衙。生。閒坐良久。詩思忽來。不免吟詩一

首且做聽科生吟詩科白頭瀟灑滿霜風小閣藤

牀寄病容。報道先生春睡美。道人輕打五更鐘。吟

罷大笑科俺東坡好自在也。且是好風流也。

油葫蘆則聽得抱膝長吟漫自誇。道先生春睡佳。

真個是風流學士與偏奢。則這藤牀小閣書千架。

焚香掃地多清暇。似蓬瀛謫降仙。豈尋嘗閒調法。

長嘆科俺超超今世。若不得事先生與他供筆札。

視人間同嚼蠟。生呀。這牕兒外似有人行動。我且

推牕一看。做推牕看科。且做驚閃科。

天下樂。且俺未敢呈身禮大家。非咱喬坐衙。則怕

夜深沉乍逢猜料差。將日邊紅杏枝。比風前楊柳

花。則索背湖山裝聾做啞。生出戶見且遙問科。誰

家宅眷。夜深至此。且答科。妾乃東隣温都監之女。

又仰學士才名。適聞牕下吟咏。特來竊聽。乞恕唐

突。生原來是都監公的令愛。暮夜不敢延入中堂。

請就此亭上小坐。何如。且做入亭相見科。且學士

天上神仙。人中龍鳳。賤妾幸生及同時。又恰遇學

士南遊嶺外。私心景暮。願觀光儀。惟勿以非禮見

法叶上聲

叶上聲

叶上聲

疑使妾有行露之愧。生呀小姐具此識鑒，定是學  
 比文姬才同道蘊，喜聞清論，何敢引嫌。旦遐方鄙  
 女，有何知識？學士不以常兒遇之，有餘榮矣。生下  
 官不敢動問小姐，青春幾何？曾字人否？旦妾年方  
 十六，家尊憐才，擇配尚未字人。生俺有弟子王郎，  
 方今名士，當呼與子為媿耳。旦聞却立唱科  
 那叱令，他則道無媒徑路差，空費了一場閒嗑牙。  
 道這尋常一女娃，向先生閒絮雜。因此上指門楣，  
 數王謝家揀人材。把潘宋誇咳，學士學士，你說甚

麼選東牀少者佳。俺則是叩龍門，親結納，這情由  
 空自嗟呀。生背語科。這妮子短嘆長吁，似別有所  
 為。俺又不便細細問他，不免把聽詩為因，盤問他  
 幾句。向旦問科。小姐纔則牕外聽咱吟詩，可得詳  
 悉否？旦呀，學士文章流傳海內，妾平日諷誦已多，  
 豈待今日。

鵲踏枝。竒而法正而葩，則比那憔悴江潭，痛哭長  
 沙。適纔吟咏，說甚麼五更鐘。道人輕打，好珍重你  
 白頭人。瀟灑風華。生呀，小姐果異人也。俺東坡萬

里投荒。何幸見此女士。且妾亦何敢當此。曾聞學士向有侍姬王子霞。敏而好義。學書學佛。皆得大意。死誦金經四句偈而絕。學士爲銘其墓。又作六如亭覆之。使我惠州片土。千古流香。以妾視子霞。何異鷓鴣之于鸞鳳。生驚云。小姐閨閣名姝。朝雲塵凡陋質。何堪比論如此。且咳。學士妾與子霞呵。寄生草。從無面一似舊有芽。則可憐他舞裙歌扇。因緣乍。書名佛號皆虛話。早則三生石上精魂化。每過六如亭上。不覺傷心滿目。價烟籠寒水月籠

沙。這的是紅顏未老傷心大。且淚生亦掩泣科。丑

背語科

煞尾。你則認未同言。却。不道是關情話。俺肯作尋

常應答。則道玉樹蒹葭是人豪。不因媒嫁枉波查。

且自撐達。我曉得他的意見了。他道年不相如。怕

白頭吟。早辜負殺文君寡。豈知俺意不然。回身向

生作別科。學士妾身拜辭歸去也。怨裙釵一响喧

譁。費清宵幾搭。則願你長記取舊飛瓊。曾到列仙

家。且下生奇哉。奇哉。是真是夢。還是仙子臨凡。還

卷叶上聲

連叶平聲

卷叶上聲

此折得虛  
實相生之  
法

果是那小姐聽詩到此、看他舉止端詳、叙致清雅、別有無限深情、使人難解、且自閉戶安寢去、又吟前詩云、報道先生春睡美、道人輕打五更鐘、

## 第二折

小姐扮王朝雲鬼魂上、青山湖上掩黃昏、千載難招越女魂、惟有六如亭下草、春來無語怨王孫、自家錢塘女子、王朝雲鬼魂是也、生爲眉山蘇長公妾、隨侍南遷、死葬豐湖之上、謝長公生死之恩、旣銘其墓、又覆以亭、悼我以詩、薦我以疏、咳、俺朝雲

除是他生再聚、答此深恩、今在冥途、何由報稱、昨見溫小姐與俺相公相會、在悠然亭上、這壁廂雅意相挑、那壁廂全然不解、咳、相公、相公、你可也曾帶得些風流福分來、那小姐一意慕才、全無俗韻、他見相公神情不接、却借俺往事、閒絮了一番、咳、俺朝雲雖身居鬼錄、頗得靈通、眼見那小姐這段因緣、正如空花水月、但可種因來世、未得証果、今生只可憐那小姐一片真誠、都歸虛幻、俺承他慇懃憐惜、亦屬前因、趁此閒夜魂遊、與他夢中邂逅

一番也。笑個天涯知己。且自乘風遊戲。訪他去也。  
雙調新水令說甚麼杜陵寒食草青青。最傷情。遊魂無定。異鄉三尺土。長夜六如亭。世世生生。使人間嘆薄命。想俺隨相公到此。

步步嬌只指望萬里相依。如形隨影。拂袖來南嶺。誰道成俄頃。奴家死後。相公有詩道。傷心一念債前債。彈指三生斷後緣。可煞是多情也。債前債。彈指三生空贈小乘行。金丹那駐得千年景。早則是他家也。我且近前虛覷他。做覷科。且內長嘆科。小

旦原來未睡哩。

落梅風寂寞支單枕。矇矓對短檠。可憐人玉孤香冷也。只爲着這些心事來。他同心一曲彈未成。剛刺得兩三聲。斷腸悲哽。小旦又做聽科。這一聯聯

合些兒眼也。且勾引他入夢者。旦上入夢科。自前晚書堂下別了蘇學士。好生放心不下。喜今夜月正圓哩。不免再到那廂。索性把我心事說向他去。喬木查俺低徊自省。怎酩子裡胡遮掩。則是害嬌癡難將心自明。因此上葫蘆提畫個影。如今呵。則

索向他行親與供稱小旦温小姐這裏來且聽疑  
科呀何處來此妮子聽他的聲音呵

攪箏琶並不似同鄉井怎厮撞便呼名疑則是鸚  
鵡知情或者是青鸞造請咳我又差了念頭了若

是蘇公解此情由那晚怎便索然歸去則合臨別  
也轉綿藤外戶旋扃看他那些行逕縱有心期接

引且費惺惺又誰承望特地尋盟做相見科旦小  
娘子是誰從來不曾厮認小旦聞聲相思那在厮  
認旦可又奇怪哩小旦小姐你不記得了麼

錦上花缺月黃昏聽詩夜永小院虛亭逢人異境

指不破機關將心暗盟顯不出真身將人來客請

旦如此說來小娘子莫非是王家子霞麼小旦笑

科奴家果然是他旦近前相見科旦姐姐奴家何

處不尋你來你却在那裏小旦俺錢塘舊住居如

今呵豐湖寄萍梗旦姐姐也朝夕與學士作伴麼

小旦暮暮朝朝來去怎憑爲雨爲雲等閒慣經如

今到此呵則貪着些兒和你消詳片景旦既然如

此何不乘此深夜往看學士一遭兒小旦這等甚

好此時俺相公呵

清江引。悄書堂閃。搖搖一燈長。自青和你去呵。暢

好親質証。咳。小姐。小姐。只愁這姻緣空作成。比似

我還僥倖。小旦抱旦相泣科。小旦異日呵。和你寂

寞沙洲同去等。內鳴鑼一聲各驚下。旦做驚醒尋

夢上

慶道和。旦是分明有個人兒入畫屏。道和你去。萬

福先生。又與我厮抱傷情話茗芋。吓。却原來是夢

境。夢境俺如今想將起來。

喬牌兒。則合問心心自省。和誰去相質証。又道因

緣不似他僥倖。敢則這相思成畫餅。想起那晚聽

外聽詩。幽亭叙語。也有幾許神情拋接。難道了不

相關。終無下落。

甜水令。想起他風度飄蕭。言詞委婉。送迎詳整。儘

自寸心傾。早難道土木形骸。瑋璋體質。兩難匹並。

薄我似飛絮浮萍。正是思君今夜腸堪斷。金屋無

人見。淚痕通宵少睡。不覺身子困倦。且隱几小憩

片時。且做憑几睡。介老旦扮林行婆。手折花枝上

入鳥影

科香趨親看造。芳叢手自栽。迎春報酒熟。垂老看  
花開。自家林行婆。任家在嘉祐寺前。釀酒種花爲  
活。等閒不到人家。只有近隣温都監的小姐。性最  
愛花。因此往來頗久。月下含笑花開。特揀一枝送  
他插戴。又得閒話半日也。此間便是不免徑入。做  
入見旦睡科呀。小姐却睡在這裡。旦醒見老旦科  
行婆從何來。手中折的是甚花朵。老旦是一枝含  
笑花。特送來與小姐插帶。旦咳。好花。好花色香俱  
足。真是佳種。我且問你。但是花開時。也有文人墨

士到你花前玩賞題咏否。老旦小姐。豈不曉得這  
惠州風土。半似蠻夷。有誰知道這些花情酒趣。兩  
年來有個蕙學士。謫官到此。便住在俺這花園後  
面。常與南隣翟秀才來。到俺家賞花飲酒。那學士  
也曾有詩贈我。便寫在那花亭土牆上。常有客因  
慕此詩而來。婆子每聽他們吟咏。却也記得。旦笑  
科。既然記得。可念與我一聽。老旦笑科。念與你聽  
也使得。或是字句欠清。小姐想像意會便了。旦笑  
科。何必過謙。老旦念詩云。縹蒂細枝出絳房。綠陰

青子送春忙。旦也是此時了。老旦正是。又念詩云。  
涓涓泣露紫含笑。焰焰燒空紅佛桑。旦又有佛桑  
花。何不并折一枝來。老旦此花今歲尚早。又念詩  
云。落日孤烟知客恨。斷籬破屋爲誰香。旦好句。好  
句。真有風人之致。老旦笑科。這後兩句。便見贈與  
婆子的意思了。旦却怎麼。老旦念云。主人白髮青  
裙。秧子美。詩中黃四娘。老旦念罷。自笑。旦亦笑科。  
却也比方得不差。學士是個子美。你便真不媿黃  
四娘了。旦又細吟前詩科。好詩。好詩。有此名花。不  
可無此名句。旦做對鏡簪花科。

折桂令。旦俺整新妝。小綴香瓊。說甚麼傾國名花。

配就輕盈。照鏡自喜。斗咳影兒。影兒。你簪上此花。

更饒風度也。則問你紅葉誰憑。鏡臺誰聘。玉杵誰  
擎。笑只有芳心自領。誰承望錦片前程。忽下淚科。

老旦呀。小姐歡歡喜喜帶了花兒。如何忽然傷感  
起來。旦行婆。你怎知俺心事來。俺見此花呵。千不  
合。宜喜翻憎。不知是詩爲花。魔花爲詩。疼。老旦小

姐因詩感懷。俺婆子那裡知道。旦行婆。那蕪學士

乃天下奇才、玉堂仙客、他的詩豈比尋常題咏、我  
既見此花、又聞此詩、想慕風流、未能親近、不覺凄  
然欲泣、咳、行姿、假如俺今生得事此君、卽爲箕帚  
妾、亦所不恨、**老旦**小姐愛慕學士至此、只是他何  
由鑒知、**旦**笑云、那學士與俺倒也曾半面來、**老旦**  
原來如此、但恐年不相如、那得輕言配偶、**旦**行姿  
差矣、人世浮浪、因緣百年如夢、果得婿如此、便相  
依一日、勝似三生、**老旦**小姐曠見、豈世眼所能及、

**碧玉簫**他蓋世香名、恰賦憐香命、你絕世才情、恰

具憐才性、只你這一腔心事呵、誰作證、恁悲傷、沒

四星、况聞學士又奉朝命、遠謫瓊州、不日便要過  
海去了、**旦**做驚科、他如何又有此謫、**老旦**小姐如

今當道的人呵、他憐才幾曾、知心幾曾、須不似你

恁般欽敬、**旦**長嘆介、這倒也說得是、**老旦**小姐、俺

婆子且告別了、改日再來看你、正是雨冷香魂弔  
詩客、酷憐風月爲多情、**下旦**這婆子去了、聽他言  
語、轉添人愁悶也、

**鴛鴦煞****旦**夢中人似花中影、景中人吊人中景、忽

聞他過海之信，猛聽了一驚，不分明，難打當，又飄零。旦泣介：敢是俺前生欠下的多，今世賠償的冷。一天愁，没人管領，今夜裏遇雲英，莫教輕易醒。下

第三折

生上：末扮舟子，丑扮童子，隨上。俺東坡南遷萬里，僑寓三年，不起歸與之心，已作終焉之計。何意復遭嚴譴，責授瓊州別駕，昌化軍安置。行將渡海而南，家累且俱，留惠正是朱崖雲夢三千里，欲別俱為慟哭時。到海岸已兩日，候風順便過瓊矣。船家長，今日風色如何？末應云：今日風色正好，早已打點開船了也。

越調鬪鶴鶉生：萬里投荒，一身孤往，軫轉流移，百千勞攘。生事艱難，神情骯髒，天一方水一方恣意徜徉。人間無兩。前日京報人說，都下喧傳了先生春睡美之句，遂有儋州之命。大笑介。

紫花兒序：俺則待幻化了莊周蝴蝶，醉領個南柯郡守。躬逢着胥氏軒黃，不慕黃梁，不羨高唐，清狂剛弄筆，閒吟詩一章。誰知道浪相傳寫流聞，都下

又起摧傷。放船科。生做望科。你看潮平岸濶，風正帆懸，又是一番風景。俺東坡雖狼狽播遷，胸中自有翛然處也。童兒俺前日行時，林行婆贈我以酒，可煖一杯，與俺臨風消遣者。丑應進酒生飲科。

金蕉葉。則見洪濤外，連雲隱檣，遙天際，編石浮梁。禁不住，駕長風，羈情浩漭。則待指扶桑，飛翻上翔。想俺東坡當日，召對便殿，宣仁后日，先帝誦卿文章，必嘆曰：奇才，奇才，但未及進用耳。俺哭失聲，帝后亦俱泣下。已命坐賜茶，撤金蓮燭，送俺歸院，可

謂千載一時。今日窳徙天南，飄零海外，咳，人生遭際，何可意量。敢是俺命磨蝎為官，合使跡遍遐方，身投荒裔，故有此行也。丑又進酒生飲科。

秃頭兒。怎忘得君恩浩蕩，今日呵便，焚魚腹，枯骨猶香。似俺荒唐福淺，誠無狀，又在妄類，蝕藩羊。此罪合當末好風好風，老爺今日渡海，天送此風，以壯行色。生大笑科。

聖藥王。還說是天意祥，水靈長，波平風靜，出茫洋。一望縹緲之間，五峯竝立，想是瓊州地面了。末應

去這山喚做黎母山，最是高峻，是瓊崖第一山了。  
生：山渺茫，水渺茫，峰巒依約似廬匡。屏風雲錦張。  
俺如今已離了惠州，別的事且由他便了，只與曾  
許溫都監之女，與王子爲媼。此議未諧，遂成宿諾，  
得無令之子長恨。

麻郎兒：他風情林下爽，名秀冠閨房。教他配俺王  
郎呵，窈窕女聰明才鑿，寧馨兒經濟文章。且住，  
么俺再想謾詳愴况。此子幾度聽詩，千回惜別，及  
對他說呼王郎與爲媼，他却全然不採，敢那其間。

別有忖量他，直恁錦心繡腸。况兀自名門生長，我  
又想來，他是女孫兒家，陌路相逢，怎談及俺朝雲  
往事，恁般悲切。

絡絲娘：雖則合猿聞斷腸，他却沒半面何因痛傷。  
早難道女子才多貪外獎，赤緊的心煩技癢。末已  
到海岸了，登岸十里，便是瓊州府了。  
生：天色傍晚，  
且泊船過宿，明日登岸罷。

尾聲：生：難將海水和愁量，儘白首烟蠻兩瘴。俺也  
無意俟河清，則合有詩歌漢廣。並下。

長上聲

第四折

旦病救上前日林行婆送花來看我道蘓公又謫  
瓊州不日渡海去也俺則聽得一聲不覺的心逐  
魂飛腸和淚迸不道果然的去了天涯遷客知他  
蹤跡何如我一腔心事今向誰剖這幾口意亂神  
荒形銷骨立俺已一心相許自應九死難回咳不  
知情爲才牽才因情重天呵直是你多付了俺一  
段聰明生生將人折損了也

商調集賢賓旦俺只道纔相見却怎知這離別陡

則俺芳心一點期許千秋莽絲蘿待依山斗鄰  
隴邂逅因由還則道兒女鍾情誰認是英雄擇偶  
他如今一旦去了好教俺心頭攬住了口頭難忘  
處又待提心在口心頭似珍珠脫手口頭似骨鯁  
絨喉昨晚俺再過牆西呵

逍遙樂書堂依舊人去猿驚庭空鶴走問伊人何  
處飄流彷徨尋良夜清遊吟嘯隨風珠玉投到今  
呵空自把弓鞋水透則見虛亭寂靜別圃荒涼池  
沼閒幽俺歸來好不傷心也

掛金索鏡去臺空。鸞配何年媾。絃斷琴孤。鳳操何時奏。成說難忘。契濶誰携手。日月悠悠。道遠能來否。老旦林行婆上好幾日不曾去看溫小姐未知他身子如何。須索走一遭者。做見旦鸞科呀。小姐如何越覺清減了。須自排遣爲上。旦教俺怎生排遣。咳。行婆你是從來知道俺的。

金菊香等閒愁緒不上眉頭。則這一片冰心也。須是那人消受。誰知道滿意兒的姻緣偏不偶。自他去後到今日呵。一日三秋。魂欲斷。海西頭。老旦小

姐你如今體中光景何如。爲何恁般憔悴。旦咳。行婆

醋葫蘆俺與他初見時如逢肺腑親。忽去時如失左右手。你道俺從來呵。爲甚的姻緣偃蹇少良儔。也只爲閨閣名心屬勝流。不爭的轉關兒事機差。謬教俺小心窩。怎擔閣許多愁。老旦小姐免愁煩。那學士負海內重望。不日便有內召佳音也。旦也不是這等說。俺的身子呵。

么非關拋閃新。多因憔悴久。我如今倒有個比方。

在此天下不如意的何止俺們女孩兒家。則假如  
數竒李廣不封侯。則假如下第劉蕡偏不偶。自古  
紅顏薄命。傷情處比才人都是一般休。旦長嘆一  
聲。暈倒科。老旦急喚科。小姐甦醒甦醒。旦慢醒科。  
行婆我已病入膏肓。勢難痊可。倘一朝不幸。蕪公  
同時望你將俺這妻楚情由細說與他。俺還有詩  
一首。與他承訣。你可收留得好好的交付他。這便  
是我和你半生相與之情了。旦付詩科。老旦小姐  
這是說那裡話。你既有詩。且念與婆子一聽。旦念

詩云。人世鍾情只近情。我鍾情處殉才名。聽詩一  
夕風流盡。拚得今生博後生。老旦咳。可憐。可憐。小  
姐詩句。直恁淒切。只是你小小年紀。怎說這話。可  
耐心調養。果是天緣相逢不遠。旦行婆。這些話都  
也罷了。旦唱科。

梧葉兒。他若是歸來早。還及得骨未收。不然的時  
節。料他也洒泣向荒丘。俺與他雖則未成婚媾。則  
那牕間咏。亭畔留。話綢繆也。抵得一夕兒。夫妻唱。  
酬咳蕪公呵。

么旦你行程遠。俺去路悠。行婆行婆。俺亦豈無端。便以死相殉。曾聞女憲云。得意一人。是爲永畢。失意一人。是爲永訖。俺已心嫁蘓公。不可有二。此志呵。當向古人求。只可憐俺三生約。一晌休。未得抱衾裯。浪說道他生聚首。這段因緣呵。

浪裏來煞。人間少古罕儔。則這生離死別。兩無由。咳。我好恨也。老旦小姐恨甚的來。旦恨相逢不與親分割。只落得心頭自有。旦做昏沉。又慢醒。低喚科。行婆不好了。煩你扶我房中去罷。我這一點魂

靈呵。早飛向海窮天盡。不回頭。老旦扶旦下。復急上科。咳。小姐小姐。怎麼了。怎麼了。眼見得不濟事。只在這早晚了。咳。蘓學士。你聞知此信。如何過得。且與他收好了。這紙詩。再作道理。正是天若有情。天亦老。月如無意。月常圓。下。

### 第五折

末扮翟秀才上。甕間畢卓。莎偷酒。壁後匡衡。不點燈。他日莫尋王粲宅。夢中來往本何曾。自家翟逢亨。是這歸善學中一個飽學秀才。少年仗氣負才。

輕世傲物、不論先達後進、都稱俺是翟先生、與土子直吳子野輩、爲忘形之交、蘓長公被謫到此、便把臂入林、相與晨夕、不意他又奉朝命、遠謫儋州、屈指四年矣、今遇赦北還、只這早晚到惠、咳、正是人生不相見、動如參與商、早已與他們相約、同到海岸迎他、呀、遠遠望見子直子野都來了也、外扮吳子野小生扮王子直雜扮家僮携酒上相見科末笑科二兄載着酒餚、遠迎長公、只俺翟先生全未料理及此、太覺不當了、外小生笑云豈不聞有

酒食先生饌乎、各大笑科老旦林行婆上蘓學士北還、聞得翟秀才們都到前途迎接去了、俺婆子承他眷念、且是溫小姐一段生分、罔緣全憑俺備細傳致、因此日夜在心、則他一幅詩牋、便當做萬金之託、早見他一刻、也早完了一樁心事、呀、翟秀才們也有前面了、見科衆行婆你也來得恰好、蘓老爺將次到了、你須再進一程、纔是、老旦却是爲何、衆笑云他與你十分愛厚、豈比尋常、老旦好說、衆行婆行婆

耍孩兒你温存幽雅多風調。可知道心傾俊豪。聞得他特地寄書與循州太守。托他轉相訪問。可知你名並五雲高。青裙誼重綈袍。這些時呵。則怕他飄零重憶鑪前酒。離索難忘花下招。你是必先打藁。好追陪你洗塵筵席。領略你迎面風騷。老臣休得取笑。翟先生呵。

煞你詼諧近向誰鬚眉何處豪。怕蘇公去後知音少。吳先生俺則問你老蚕不食三眠未。王先生你竹杖閒錢可時有百十挑。今日你們做主人也須

設遠行人一頓飽。此時天色漸晚。還不見到。則這些酒食呵。則好暫充饑渴。稍濟虛枵。衆笑科。倒受你婆子一場譏誚也。老旦豈敢譏誚。婆子且告回。了。明日再來也。下外或者今日蘓公未必便到。且尋個人家借宿去。小生末正是如此。外你看一望海岸呵。

收尾混難分水接天。杳不辨雲連島。想客星此際猶天杪。且和你悵望臨風送懷抱。並下

第六折

生上俺東坡四年儻耳。遇赦北歸。幸我寄居無恙。又二三故人皆如昔。握手道故。亦俺天涯樂事。但温都監的小姐。無端邂逅。一旦云亡。追憶往昔。一番鬪荅。何能爲懷。聞與行婆迷離永訣。宛轉叮嚀。昨午會匆匆。殊覺他有言未吐。今日來時。仔細問他。自有分曉。老旦林行婆上。昨與蘓學士一見而別。今日不免早去。與他說個詳細。將小姐留下的詩。交與他。也不負了那小姐生死之托。見科。老旦呀。學士早已梳洗了。生欲聞温小姐永訣之

言。所以早起相待。老旦昨廣坐中。不便說得。今日特地早來。咳。那小姐與學士呵。

中吕粉蝶兒。夙世崔盧。敢未生前早銓註了玉堂。

人物。驀忽裡地行仙。飄跡瓊都。更與俺有情娘爲

鄰。並比似東墻宋玉。這姻緣呵。又不爭甚年貌門

族。則辦得個識英雄的眼兒。一顧生。敢則行婆錯

認了也。老旦俺婆子幾曾會錯認來。

醉春風。原不曾因見面。陡目成。則是未結帶先心

許。說來也奇怪哩。學士初到俺這惠州時。那小姐

一路傳致

有情

物叶霧

玉去聲

族叶平聲

便驚喜向人說道。這真吾夫婿果然殊。他心兒裏也自語語。因此上把未綰紅絲。未描眉嫵。一一的爲君傾佇。生俺東坡四海無親。何意遇此女郎。照人青眼。老旦那小姐呵。

迎仙客。他並不爲附青雲。上鳳衢。五花詒耀青廬。則欽敬你班馬名高。在石渠。待與你捧盤盃。校圖書。平生願足。異日呵。美名兒。彤管千秋註。生行婆。小姐如此美情。使我如何領受。老旦若說起那小姐許多才調呵。

上小樓。他惠班才富。更有謝娘風度。不禁的眼爲才高情爲才多。性爲才殊。那一番夜話光景。他也曾與婆子說來。他儘也逞機鋒。輸心素。親拚個許。那知道三更謎未參。緣悟。

么只落得那壁廂重趑趄。這壁廂費躊躇。學士呵。你還待寄語王郎。打合姻親。做意勤渠。教他口怎俞心怎舒。則索道不如歸去。如今想來。斷人腸。是花陰深處。正欲再圖良邁。忽聞儋州之信。不勝驚訝。比及再探消息。學士早已過海去了也。

滿庭芳 霎閃下鸞儔鳳侶。心慵意冗，坐咄行吁。怎  
生打疊疼人處。長則是茹檠含茶，魂慘淡，斷烟殘  
雨。夢悠揚，海角天隅。他還疑慮，恁關情有無，敢望  
一行書。那時暮春，小園含笑，花開特送一枝去。與  
他玩賞，他便問花開時，可有才人曾到。題咏，俺便  
將學士贈我的詩，念與他聽了。他再三嘆賞，又揀  
好花一朶，對鏡插髮，喜歡了一會，却忽然下淚來。  
快活三 他簪花聊自娛，顧影轉欷歔。敢是學士的  
詩能傳幽恨，令人孤况。是他心先苦，那時婆子再  
三問小姐，他道學士的詩，不比尋常題咏。我想慕  
風流，未能親近，故爾傷感，倘得相依一日，勝似三  
生說罷，淚下如雨。因此鬱鬱成病，積漸伶俜，便是  
一切救束呵。

朝天子 生踈雲鬟懶梳，并廢了花間步。風庭月榭  
盡荒蕪，怕聽嬌鶯語。翡翠筆床，鴛鴦繡譜，一任塵  
封魚蠹。便指與懽娛，他轉孤。幾感回波顧。後來常  
去看他，更無別話。止道病入膏肓，料恁北婦無日  
不復相見。有詩牋一幅，託我收藏好了，付與學士。

道今生已矣、願結來生、嗚咽了半晌、與婆子扶他  
到榻兒上去了、不隔半日、大慟一聲、遽然長逝、咳、  
我那小姐、噯、老旦泣生亦泣科

四邊靜、老旦思量囑付、幾度招魂淚欲枯、出詩賤

付生科、這哀音恨譜、不比別風雲、月露學士、你早

慰冥途、莫教他悵望、殺三生路、生哭科、呀、哀哉、痛

哉、那小姐生、生的爲我斷送了也、看詩科、人世鍾

情、只近情、我鍾情處、殉才名、聽詩、一夕風流盡、拚

得今生博後生、生又哭科、兀的不痛殺我也、孩小

姐、小姐、你具此風格、自然多怪、少可、因緣不偶、安

能久住人間、俺東坡何德、可以堪之、讀此永訣之

句、令人心折、益令人腸斷矣、行婆、聞他葬已三年、

墳塋何處、麼、老旦小姐遺言、不欲遠離家院、便葬

在前溪沙岸上、生既如此、便往那邊澆奠去、生老

旦同行科

耍孩兒、生問沙洲何處、埋玉樹、還傍着生存舊廬、

想俺東坡、昔日呵、爲甚卜宅近仙居、敢是蹇修爲

我先驅、誰知道三年海上亡家客、生折損萬里橋

邊女校書。茫無據。小姐你做了未從夫的德耀。我  
做了枉薄倖的相如。老旦前面一帶蘆葦岸側。便  
是小姐葬處了。生你看蔓草寒汀。空林夕照。一杯  
淺土。三載離魂。咳小姐。小姐回首當年與伊卜宅  
西隣。論詩靜夜。一番佳話。頓成今古。好不傷心也。  
不免口占一詞。以當哀誄。咳小姐。當日與伊初見  
呵。卜筭子。缺月掛疎桐。漏斷人初靜。時見幽人獨  
往來。縹緲孤鴻影。驚起却回頭。有恨無人省。揀  
盡寒枝不肯栖。寂寞沙洲冷。念畢。哭拜科。

四煞生痛荒墳草已枯。盼幽林魂可呼。問精靈渺  
漠。今何所。小姐可憐那聽詩一夕風流夢。止博得  
別恨三秋長短吁。心如鋸。你千愁腹削。何堪俺一  
慟消除。老旦學士休得過哀。

三煞生你淪亡拋路衢。俺飄零在海隅。虛生虛死  
徒相負。恨千年共穴多成假。則如今日呵。白首同  
歸願已誣。小姐你竟靈有知呵。好與俺長依附。  
接幽貞是南堂烟雨。妥香魂有東塢荷葉。老旦學士  
痛悼至此。小姐九泉之下。自當感念。至誠適間。

詞可勒石墓門。永垂不朽。生行婆。俺遷謫南來。朝雲早逝。俺葬之豐湖之上。今得與此塚並存。識我風流罪過。片石墓門。實獲我心矣。咳。俺東坡呵。

**二煞**徒叅天女禪。空矜絡秀許。生生罪孽無消處。咳。小姐。你別。余已作沙中土。俺痛你纔同掌上珠。

**愁無措**。忍見你庭堦蘭玉。忽化做了山路靡蕪。小

旦扮仙女。忽上科。烟霞不省生前事。水木空疑夢後身。學士稽首了。生呀。仙姑何來。小旦笑云。去來蹤跡變化何常。卽此塚中人亦了。彼前生事。因汝

一番哀感。他生又結後緣。學士學士。汝亦不久人

間。幸惟自愛去也。去也。忽下科。生奇哉。奇哉。聽他

指點言詞。兀自關情不淺。敢是小姐真。漢鑿知。變

形出現也。老旦學士至誠感動。故神仙有此應驗。

生行婆。纔道俺亦不久人間。憂能傷人。固當不復

永年耳。

**一煞**便人間不久居。美今生總棄餘。行婆。俺在儂

州行歌田間。有一饑婦。年可七十。他道內翰昔日

富貴。一場春夢矣。里人因呼此婦爲春夢婆。真個

借春夢婆  
作結  
屬叶繩朱  
从

淑叶屬

是一場春夢無憑據。咳。小姐你雖然寂寞無儔侶。  
猶是東坡舊眷屬。煞強似真娘墓。這的是貞姬俠。  
烈未許綺語描摹。老旦天色已晚。請回罷。

收尾。風吟蘆荻。秋月暗松杉路。俺東坡呵。十年來。  
不識南遷苦。則到得淑女墳前。傷心難自譜。下



